

集部

欽定四庫全書 明文海卷三百四三五

主事街日徐以坤覆勘 詳校官編修臣潘庭筠

總校官庶吉士 臣倉聖脈 校對官中書臣范 鏊 勝録監生 臣黄嘉請

てこうき こう 有馬豈天哀民舜固不可城耶歲戊申國兵取閩以步 THE OWNER **瓦王** CHARLE STATE 当時以外に下上は間が引いず WALLES STATES 間以節義自見者亦時時 棄君叛父而賣降者何其

當是時大小守吏七應數十百而能死者僅得两人 明乎聖賢道徳之教及其從客就義雖古烈丈夫 騎由杉關橋 中以選為福建行中書省左右司郎中行省治福州 加馬故特采其事著於篇 取 拜特移爾曰德哩默色此两人者從目於仕官未 特穆爾者字君壽紫古人也歷任素著廉能名至 汀劍而與化漳泉皆望風納欽閱 部武遂克建寧以舟師由海道破福 州不两月悉 ıE

我一人口一人人

卷三百四十

人工でき 八十百 從乎皆泣謝曰無他志也有死而已即皆引繩自縊死 丈夫死國婦人死夫義也今城不守吾且死若等能吾 師至城下城將隨引其妻妾五人至樓上慷慨謂之曰 以此贖性命或可全也未幾兵入城乃引燈然屋四圍 匿旁近民居中仍伴貴金銀自隨謂之曰萬一事不測 拜佛可保爹娘無恙也甫拜挈米囊壓其背囊米重女 有十歲女度其不能自殺呼諸佛龕前給之曰汝稽 死囊下獨念宗嗣不可絕而有男始三歲命乳媪抱 明义海

總有頃火四面發遂焚死 授行軍政院崇教三遷為漳州路達嚕噶齊居官三年 孝年四十猶不仕曰吾不忍舍吾母也由宿衞用年勞 德理默色 者字子初回回人也性剛 狠敏於吏事事母 金ダ四屋ノ言 者 民安之時陳有定據閩中諸郡甲兵錢穀之政用其私 致位三品國恩厚矣無可以報國恩者惟有死居無何 總制之朝廷命官皆不得有所與王師比及境總制 即以城納降勢已不可為仰天嘆曰吾不才不數年 卷三有四十

嗚呼昔宋季季常守潭州有元阿爾哈雅之師至潭 時 往吾行出矣乃被公服詣廳事儿面再拜畢取印研 佐舉城降卯發與其妻同縊死死節之烈近世希與 問希舉室殺身自焚死趙卯發守池州已延軍南下 佩 又取手版書曰人元臣子置案上据其坐以坐即 報新朝部諭使者至禮當出城廷從容語吏曰爾弟 郡民相聚哭庭下飲其屍葬城東門 刀割喉中斷喉以死既死手執刀按膝坐儼然 為 郡 引 州

久己了写 在上与

明文母

合於 間 **比者去今百年人稱道之歷歷如前日事抑豈特百** 有 两 金グレル 溪山風月樓在元盛時大夫士之訴歌至矣愿君 與嚴凌君隱居無以異也其陽岸使陀平行風 水縣東行七里水豐江上鳳凰山勢翔動有釣臺瀑 有道之不置雖千萬世不泯可也嗚呼以余觀 視前卯發何娘馬 溪山讀書 人居尤宜先曾祖姑令子異湖胡隱君為别墅馬 とてい 記 解 縉 卷三百四 죘 年 迴

脱栗摘園流而雜之亦曰樂哉干腳萬鍾何足道哉 子仲芳為余娣妹婿少時當往顧瞻徘徊以為使有書 将奉親讀書二十餘年子之所願慕而不可得者宗訓 子之风志也子甥宗訓少從予遊聞子言甚熟於是 數卷臨清流陰住樹登山而望俯潭而漁雖酌清水食 妄誕廷怪之書不必讀駁雜之書不必讀活決之書不 厭飫而深得之也豈若予之勤勞鞅掌哉雖然書不可 不讀有不必讀者有不可讀者方外異端之書不必讀 明文句

知昔之 金好四库全書 甲辰三年江西道提刑按察分司行部至進賢縣舉 誦而求之也宗訓通以溪山讀書請為記前已為之 **必讀刻薄之書不可讀余少時無所不讀是以含溪** 儒士二人馬其一 又以此語復之 /樂而從事於外至今欲為山林之樂不可得也而後 供氏廬墓記劉夏 /所讀有不必有不可而令始欲取六經正文端 一人雷逸清其一人焦致中雷氏堅 卷三百四十

能不飲酒不食肉與人言輕流涕執親之丧三年及亂 澹泊在家務耕稼焦氏教授里中有孝行嚴當士辰癸 2010 - 1 /d. 出 儒者多衣短衣帶長刀践獵戎行 如也父子不相顧兄弟離散君臣之義段夫婦之道缺 定還鄉又廬墓側三年嗚呼當此之際世道之大變何 已之時江南兵火大作焦之父母亡流離轉從之中 為公卿郎將即可以得志斬艾人如草管區區守行義 門有誰可相告語也而焦氏獨能力行孝弟於此 明文海 朝依附權勢假

金厂口 修達也茂可計日而真矣每念彼同時之人馳騖於形 人之生他也孝弟生他之本根也本根植立則枝葉之 於三綱淪沒九法毀壞之際此為難能耳人者仁也仁 将有人民社稷之任進為當時聞人故今特為雷氏作 **微塵不復有聞於時有生之徳者今皆領薦於上大夫** 勢之途而不知返膠固於切奪之域而不能拔此皆蹈 那夫孝弟也者士大夫百行之常亦無足多上人乃能 死之道也夫有死之道者今而浙盡很滅化為冷及 卷三百四十一

此人二世

ス・ラー ハン・ 則終露暴馬其神固木偶也長短大小畧與人等又衣 成乙己餓而多虎夜則盜相迹於道莫敢捕逐之者是 黨之士亦可以為之做懼矣 逆清堂序又為焦氏作盧墓記者見我國家收拾天下 秋安成山氓有忿人盗己疏者以里祠之神類能威殛 人才未嘗專事藝文之末而遺於孝弟力田之本也吾 人也則迎致而露禱馬與相約曰必得盜見厲乃歸 虎咥木偶人記劉楚

金好四人在言 桐 起 虎為之揺首振胸跳擲以求解不可益駭怒卒 偶 以為人也為之曳尾睢肝傍徨左右欲却欲前者數 且復至也亟起從壁間覘之見一虎逐逐然來至神所 真絳衣冠大冠儀狀儼赫過者不敢正視既數日矣方 夜半月朗 **木柔脆成久且腐牽掛虎牙至膠其两順不得吐嗑** 而動者虎直前奮攫之醫其首始知偶 人不動乃稍近對踞注視久之忽有風揚其襟若 朗在地門外勃宰若聞行地聲其人以為 卷三百四十一 刻桐為 政爱 滋 四

掉左右揮拉始得脱乃去見者大驚且奔告其里人咸 出衆急聚挺刀相擊死因叩首謝神曰吾神固聰也今 虎死於是其龍怒之所致敗乃相率舁死虎祭而食之 伏牢側弗之覺也竟失足倘阱中咆哮騰躍窮髮不 神之無辜怪虎之暴而又笑其眩睛不知以至於此 更刻木為神軀益製美衣衣之歸神於祠盜亦遂絕 其家故畜豕他日虎復來何知之夜躍入 來聚觀見偶人 絕幹手足 (狼籍道上無有完者因私悼 **八垣内有虎阱**

欠こりまことう

明文海

哉方虎之咥木偶人誤也然冒冠衣而據非其所者卒 乎虎之毒人甚矣乃有乘以肆奸者彼寧復知有天道 若有使然者然貪得不已自足以丧其身不必神之所 能致禍偶人其假冒而失所據者數乃虎之隕於阱 神者豈非愚且惑哉卒之虎斃於阱盗息於野天道之 應微矣而儆戒之 陰悻然不勝於得丧之末而反覆緣迷以逞媚於思 而偶人以致丧之餘避追虎斃遂食厚報亦過倖

金グレンイイニー

卷三百四十

郡 と、う・ こう 無不得也或坐舟中手持 釣顔其魚有得有不得人乃置 則不可追矣或以义或以射或設層而起伏之或約 以智巧致陂中之魚最稔方其水之盈也人則羅坐 北出城咫尺許有大败元至正問子客處改上日見 漁記鳥斯道 大珠珠之下有 其中置水底泥沙上魚聞其鄉則叢至及 7 小釣魚見珠押而戲馬口數著 明文海 綸以其絡費等抄稱之末 一器狀若仰盂實膳 下釣

使魚跳 十餘舟圍繞以進 魚又有潛行水底以手撫魚以出有投擲葉中觸魚使 結數署以絕其流先戒 魚 著水面並沙際而往舟激水魚驚而躍入舟中有作 右手持短木通防之槎内有棹 綱 因而上沒有左手持小網若翻車然者仰承大防 人曳而前 躍而入否則以 趨 則魚亦皆得有益鸕鷀之听而奪之 "擊楫則齊力旋網否則以 人以楫扣舷 網繫百戰其上人左右掣其 舟淺而長者側其舟 上或拍擊水面 細 綵

我好口屋人丁百

卷三百四十一

出者 欠いりこしら 俟水殺而取馬水既上則單迨夜則以火燭水魚見 巧之不足也魚雖 呼忍哉古者山澤皆有屬禁今也民得以盡取惟恐 卻 出水面亦單而得馬水酒 按而取之或以昼灰酒石罅以橛入罅内及逐魚以 一竅其 而爬極凡泥上魚瑣碎長不消寸者皆入囊中 水竭盡人以竹丈餘織其半若覆簣下緊 下納笥竅中有穴其水中若大甕以箔其 欲自敬可乎孔子曰竭澤而魚 明文海 可尺許乃以網設水魚上 小 智

龍不戲其淵豈非此之謂敷 於蜀王殿下二十八年冬得吉十二月 朔日戒行次 先公以洪武五年正月奉使雲南招諭元梁玉六月抵 臣及士人庶 友至以情事為告聞者憫之競為咨訪 其境六年遇害至二十五年不肖孤紳竊禄西川屢請 上ケーン |月二十三日到滇次日恭見岷府退謁藩闢文武大 五日有焚人畫工何仁可年七十餘來言親炙先 海南物哭記王神 卷三百匹十一

托克托聞之謂曰國家顛覆而不能救反欲遠附他人邪 屬之理為之開說退諭其臣僚尤加委曲梁之君臣亦 於佑聖宫甚久至繪素之事亦多經指授且云初來時 て、 う 一 こ 以固梁王意梁王不忍遽絕於我朝題匿先公於民間 高無慰華尤所尊重凡見梁王必以天命所歸人心所 即托克托自西番水通耗索援且切以危言必欲殺我使 知元社已屋皆有降意時元之故主出奔朔漢者遣 梁王甚加禮敬府僚大臣若司徒達爾瑪恭政喻金問 ! ح 男文海

屈令惟有死而已或解曰两國交争不罪來使不從 遣之彼何罪馬况王公才器天下無雙宜有以全之托 躍馬而起梁王不得已遂出先公以見之托克托欲加屈 顧梁王謂曰汝朝殺我大兵夕至矣亦不聽遂遇害時 餘燼尚欲假息以與日月争光耶我將命遠來宣為汝 辱光公慷慨罵曰天訖汝元命我朝實代之汝如皭火 為臘日未申時盖棘人以此日為節日故久不忘也諱 托曰今日雖孔子在義不可留梁王不能救先公復 卷三百四十

紳別訪南闕董金剛保以合其説益以先公嘗主其家 設真是夕宿地藏寺自此連日至彼展哀至二十七日 衣冠飲之以禮即日舁至地藏寺北漏澤園化之以火 慶時為元帥故達爾瑪一以後事委之其言遺事略與 競來致問中有蘇奴者前言棺木實其家所備益其兄 故也金剛保亦引至觀音寺前指以諱所號團間市 諱所即今之觀音寺前三市街言記引至漏澤園瞬踊 ていりうにはう 日城中父老士女莫不垂淚達爾瑪既陳奠祭左右具 明文海

此者三人之言遺殖並同自是士民僧道多來稱述光 四下陳設於寺門外告祭於雲南府城隍里社寺如藍 葬所者因姑設次為位於地藏寺之東夾室越明日漏 紳拱問化後遺殖何在僧言彼時上下物懼誰復道及 仁可同但奴則云火化在小南門城壕邊復引至歷指 其處哀未止有僧從西來自言年百歲口述遺事甚悉 金げしてんとう 公容貌言行嗜好製作動静僕從皆可稽但無能知夫 備述事情之由禮畢奉新製木主就觀音寺諱所

能得其彷彿也寬义云光公前館於報國寺後因托克 谷變遷已不可認迄今犁鋤海珠屋廬相望想像亦不 賈寬寬達爾瑪門客也故獲待先公最密因言曾有詩 盡哀題主禮畢迎回地藏寺位次昧爽行正祭禮先是 見寄可考壁紳至張公即命迎寬三月十日寬至所言 與前頗同乃云化後達爾瑪巴使藏於地藏寺之旁後 布政張公統忝議范公祖當訪先公節行於臨安儒士 ·許日寬往哭之止見平土而不結丘壠自國兵來陵

次定四年公与

明文海

鉱至口述遺事亦悉又舉先公題其竹軒三絕句遂導 留意越半月紳至海有年即來告且為書招欽十 所惟鉱知之有年前任沅庠时常接見先公故聞之甚 好士而知書曾延先公於家甚久後事皆其經理令葬 年近見宜梁民李鉉鉉自言其父起宗為樞密院都事 書者述有文集二大冊達爾瑪録本藏於家後併原稿 1911/11 不知何在寬年高質重所言似非虚妄者又杭士劉有 托至遂移館於春登楊氏家平日杜門不接人事惟讀 卷三百四十 Ę

火こりもこう 見先公於九原者哉撰踊之餘因忍死備記於簡以志 至此極雖粉身碎骨亦不足以贖其辜他日尚何面目 歸寺之元次越十日奉神主而返鳴呼哀哉紳之初志 於摩塚旁擇曠地仍設此為位迎神主陳祭祭畢復奉 此處而羣塚盡遭發掘無遺者紳見其年少不敢盡信 又見頗能記憶亦不敢不信遂於其處仰天大慟次日 一欲訪求遺殖歸葬先惟以襄大事不幸歲久事殊以 至於東門外之百步指羣塚千百而言曰大器記在 _ 明文海

松江産魚非 不忘終天之恨且使後世子孫有以知其茶毒嗚呼痛 觀捕魚記貝瓊 取魚者或以草或以义或以笱或以曾

金月四月分言

卷三百四十

互人亦無敢輒捕者故萃而不去天始寒大合漁者編

竹斷東西津口以防其軼乃輒樹两涯鼓而歐之魚失

其所依或骸而躍或怒而突戢戢然已在釜中矣於是

巨家則斫大樹置水中為魚叢魚大小畢赴之縱橫盤

之者將以制之養之者將以殺之人之機亦巧且深矣 嘆曰魚之托於水也非無九州四海之歸也而歸於數 予又傷其盡而無遺何其不仁之甚耶鳴呼天下之死 畝之陂朽株之下以為至安無患若登龍門馬惡知誘 之族如針之屬脱此掛彼損鱗折尾無 駕 ラス り うこ こう 於盡取者豈獨魚已乎豈獨魚已乎故書為記 百斛之舟沉九囊之 舥 師記) 林誌 明文海 /網掩其左右遮其前後而盈車 縱者子觀而 † (13)

夫夫也拒能般舟同載者曰子以備役人而乃貌取之 北還買舟以載得寧波舵師其甲子見其醉而使酒 而亦不敢輕任於人其責益甚重也哉歲戊戌子奉使 倍或参伍其載而取之然非素語是者非惟人之不任 舟之載舵主之舵操縱疾舒得失而舟之安危繫馬故 傭於舟者皆以力而舵師兼智力長馬其受直也恒 且其直廉又易與母應為也子固疑之比渡淮及湖 風作狼狽失勢者幾旁舟皆笑之曰是特 曰

金ダモだノニョ

卷三百四

大口可見 八十 将以舟利而冒其名者與夫利濟人者必世業於舟 言之何如則皆愀然曰今之般舟者皆是已此特其甚 於舵師乎其以身任載也毀譽不顧夷險在己視其載 捐費博其資利遠凡舟之須皆工且良故傭必擇人 者奚暇渠之笑哉子曰然則是吾任者之過矣彼敢輕 小小者耳使之乎大江則將奚為子問同載者曰嚮 '輕重與其舟之輕重体馬是或足任者矣若夫以舟 何耶應者曰子以彼為工其技而利濟人 明文海 † <u>6</u> 其

戒審如是天下惡有價事者哉予曰嘻此名言也顧命 利者則不然其於舟也朝僦之夕業之無須博費不期 童子濡毫記之 以無事往往以涉大江猶安流也而况於准與湖哉予 **夷險汩然於中也使欲載者樂其易與且利其廉像倖** 遠利乘人之載而弋取之不得則下上而求合馬毀譽 金ケロたとこ 良師先勢而違情庸師情與而情見故曰前車覆後車 日安危同勢也喜悲同情也彼豈異於人者數應者曰 卷三百四十

次記四三人こう 我但知為臣死忠為子死孝固不知天命為何等物也 司執之問曰汝不知國家有赦耶答曰殺人賊國家之 遂被害又有一人亦忘其姓氏殺父仇於既赦之後憲 守不下城陷被執友定謂曰汝不知有天數耶其人曰 中某城遭陳友定之亂兵圍久之有城主忘其姓名固 先生往來聯捐士翔常語余記其先翁有言當元末閱 余憶十 記會稽周士翔先生遺語四絕句并序 載前假館常熟南野陳氏頻年與會稽周士翔 龔詡

明文海

抑亦足以為名教之 憶舊言為賦此以記之非惟先哲之忠且孝得以不很 言歷歷在耳今士翔仙去久矣昨夜忽夢見之既覺因 大子赦片言干載有餘師 法有赦人子之心不赦也竟致於理嗚呼士翔當日之 知天數為何物忠孝惟求死即休只此 令亂賊永含羞 不報活何為樂府曾聞太白詞李太白 助云時甲戌二月七日也 一言才出口

卷三百四十

寶而守之特徵記於余余慨然嘆曰是樹舊屬王氏黃 宋其賢雲仍有文用者概念先業恐嗣時厥後者不知 先主之者已非唐之舊洪武初相繼奪於戎衛之官宋 見諸譜謂陳紫種出宋氏則宋香較之陳紫又其尤也 **莆中名産為異品荔枝之尤者惟陳紫宋香為絕勝其** 孫因於勢力不克復者凡幾年远永樂年間始歸於 距作譜時已三百載迄今又不知其幾易主在宋之 宋香荔枝記林環

惨倦心乎圖記以貼後之人他所未想則文用賢於宋 寧為王氏媼無效王氏之孫子云遂書為之記 國家覆胃海宇垂百餘年風嘘日薰人 氏他子孫又遠矣然則為文用之後宜何如為心亦曰 宋之子孫過於王遠矣宋之子孫不知若而人獨文用 巢之亂兵過欲谷之得王氏媪擔死與俱遂得不失後 已為宋所有今宋之子孫雖奪於勢力而終克復之則 擊壞會記劉鴻 物熙熙與國頭

弘定四庫 全書

卷三百四十

深衣大冠魚貫而進前設几格俯伏其下北面稽首焚 歲九月甲子舉事牲肥酒香運豆有楚乃其初筵諸老 需抱子弄孫不及時為樂以詠歌堯仁以終餘年亦負 矣哉於是月以二會會以朔望鱗次而周产而不聽是 六七而望八九者二十二人含和履祥蹈舞皇風相 謀曰遭逢清明生理麤植仰無叫呼之擾俯有伏臘之 壽考題弘治五子時平歲登公私行行有垂白之老踰 こうらいこう 明文寧

屬邑山盤谷網風氣完固既庶且富民樂其生而多

吕直方 時若百穀滋植公私美餘問間笑語野無横民都有 俗俾我老人永有今日之娱亦云休哉已乃樂蓋更籌 香籲天曰願明天子萬歲萬萬歲宰執惟隣潘泉惟良 郡有賢守邑有賢大夫用康保我民亦云休哉願雨 次日春谷仁發次蕭擴齊崇廣次李晴忠春昱次 坐以齒為倫其一 做次前貨樂雲端次劉敬齊恭報次胡博齊克祥 與大次蕭正卷悦替次鍾軒部鐸次陳隱 為 胡晦養克訓次劉潔養雅清 新子

金ダビ

ドル

卷三百四十一

董光矣得為保極之民汝則念确景德懷刑毋濟於客 生長者無寧有以教我乎諸老人推其年高者韶之曰 ペルンファラ ノー 臣民之福皇錫之極汝則保極逆極者殃保極者昌吾 若知今日之樂耶高皇帝列聖今天子之賜也語有之 蔡瑩養彦獻次謝梅軒旭魁坐定諸少年班立而揖有 引卮酒跪而進之曰孺子不敏幸兹良會躬侍杖履先 **巷守正次鍾成卷鑑次李復亨春雷次李省養彦春次** 次王叙卷東倫次前繹齊悦華次王時卷成景次羅直

金月世上在書 壞不必擊而與擊壞之樂同也少耐有倡之者顏執事 考縣之遺音者而未當不歸德於上也遂名其會曰擊壞 之視汝者猶之今也衆皆唯唯酒行五七諸老人起而 古雅有太平之音章成惟甚且酌且哦既夕乃罷 酬酢有誦淇澳以相規者有歌豳風以相樂者有咏嘆 母梗於鄉母突胃於有司母貼惟我父母汝則念旃後 曰把筆來不有所作易伸本懷又賦近體詩二首平淡 明文海卷三百四十 长三百四十

次定四車全書 ! 求婦女孩稚之酌教之曰某九其散其者九之其者散 欽定四庫全書 方脈不能名樂物不習於炮煉烹煮之用以金購太醫 京師有女醫主婦女孩稚之疾其為人不識文字不辨 明文海卷三百四十 記十六 記女醫李東陽 紀事 餘姚黄宗義編

明文海

於隣里而不足則譽之鄉黨而不足則又譽之媧成識 若子者舉其絕付之無疑馬幸而不至於喪敗捐穀帛 知之人隣里鄉黨姻戚凡識知之人有疾者皆樂而求 囊中與之雖誤投以他藥弗辨也然而婦女之愛其身 之幸而不至於喪敗則又引譽之其喪且敗者則又曰 金珠子之不少各其恒喪且敗者曰命也且傳引譽之 一載而歸人有名者攜所購以往脈其指炙其面探樂 也非女醫之所治者雖名家析士未當信之其殭而 卷三百四

醫不能治則之馬女巫華飾威服或披髮手刀劍自試 各之矣曰不用女醫之過也雖士大夫家亦不免馬其 くこうえくこう 呼鬼且至則呼先姓名曰某為神某為女神某為崇某 以神其不能傷或衣錦衣腰數十鈴跳梁叫號或嘯以 治之者雖治亦弗之貴也其不幸而喪且敗者則悔 女巫者主呼召鬼物問吉凶禍福祛疾病凡疾病者女 愚不明亦甚矣嗚呼豈獨女醫哉 記女巫李東陽 明文净

之若是者將何如耶夫女醫者不過殺人之身而巫乃 鼓舞號毀以為福有所憂患則因以除之雖遇溺老佛 益人之死者無有不為神神者無有不崇且禍馬者也 誠有是或稽首伏地不能起願殺雞澆酒化楮以為謝 亦未有若是甚者下巫而下弗論也彼女醫者子恒版 而鬼其親之身若是者家有之馬有所喜則白女巫至 又令圖其神之形於家以祀以禱乃棄毀其所祀之主 為禍可穰可除惟令之從祈而聽者曰某之先誠有是

金厂口屋人三百

卷三百四十二

子王曰疏入必重禍又曰為若筮可乎然晦翁行之矣 心其愚不明又甚矣嗚呼又豈獨女巫哉 即妻子未之知不知王何從而疑之也乃出其草示二 容撰此奏蓋體統利害事草具袖而過邊博士會主事 初部下怨切夢陽讀既退而感泣已嘆日直部哉於是 |守仁來遽目予油而曰有物乎有必諫草耳予為此 丧其心此其害又有甚者人不自愛其身又不有其 秘録李夢陽

報也一 欽定匹庫全書 悉置弗入奉聖古李夢陽妄言大臣姑從輕罰俸三個 牟斌恭之其畧曰原情應詔論法亦違而渠云十罪者 子曰處對耳斌曰我能據事實剪厥羽異奚對馬獄成 后也掌記獄牟斌年斌問日壽寧胡不指其事實月異 矣張氏論我斬罪十然大意主記母后謂疏末張氏斥 吉王曰行哉此忠直之繇也及疏入不報也以為竟不 於是出而上馬並行詣王氏筮得田獲三孤得黃天貞 一日忽有音等夢陽送韶獄於是知張氏有本辯 卷三百四十二

ライス フェーノスカー 中血也武相與泣問故言上氣絕時閱負之自寢出云 前李夢陽事知否武曰不知聞曰上初無奈壽寧華逼 自有以下血淋淋未氧也關迎武以褶子泣曰此口鼻 何金夫人又日在上前泣訴不平上欲借官人每力 巳閹收淚謂釴曰怎更能得此聖明皇帝武扣之閱曰 之明日武往見一近侍屬會閣挈其白綾褶子出褶子 月此十八年四月十六日也居頃之龍駅上賓矣痛哉 何忍言何忍言太醫院使異武高郵人也謂我曰上崩 明文海 叮

をりてんと言い 批止罰俸三月此等皇帝能更得否言既二人相對大 釋之日金夫人猶在上前泣訴求重刑上怒推案出竟 國上 日朝退召三閣老上問日李夢陽言事若何劉健輕對 者輒乃曰輕莫如打二十放了已顧大夏曰汝知渠意 華事因遂及李夢陽事上曰朕 初欲輕譴此人而左右 聲哭而尚書劉公大夏曰釋李夢陽時會上召我言閱 此狂妄小人耳上黙然良久謝遷對曰其心無非為 一額之曰然會科道官交章入李夢陽由是得釋然 巻三で四十二

驚愕辦矣久不之取也例辨不入卿不出璞守至昏黑 光禄寺有攢盤云攢盤者供近侍閱者也孝宗末尚儉 問予至江西則見都御史义璞曰璞往為光禄卿故事 節打之必死也於渠華則誠快矣如朕殺諫臣何正徳 乎大夏叩頭對曰臣不知上曰打必送錦衣衛渠拴關 明日入至寺寺閘耳語璞曰知攅盤否璞曰璞何由而 節斯格不行矣而一日未申問有吉趣辨攢盤百餘衆 て こう・こ 東安門将下鎖矣一老閥來曰官弟出雖於是倉皇出 ا . آ 明文与

金定口臣 全書 知聞弟遥見大張免冠觸地謝云子始不甚信今以艾 子金夫人皆連選出遊上獨名大張促膝語左右咸莫 而二更時召二張自東安門入璞曰何事閱曰上和解 知也問曰昨夜上蓋遊南宫云皇后皇太子金夫人從 百户郭勲曰上遊南宫時二張在入侍酒中皇后皇太 二張耳為李主事撲叩詳細閱不答而予因記往錦衣 公言質之符矣 孝棣記李承真 卷三百四十二

廣東之某鄉稱人 黑猿從號鳴不止人往來於其側通犯之了無懼乃子 欠こり こう 楚陵卒附漢以成大功在母知大義割至情誠哉其為 得天下不為者仁人之所不容已也漢王陵之母死於 命武之果如其言云李承箕曰行一不義殺一不辜而 食泉亦莫不憐之於是獻之憲長陶公戲下告以實公 母猿也強人取以歸投以果物皆不食而益號鳴不見 人楊其情致其母之皮於前則亟趨而抱之且號且 人害樵於山見黃猿忽自樹墮地死 明文海

賢矣若陵者獨何心乎成功止於圖名吾寧殺其身不 詩書禮樂之教與豹狼孤兔等耳人徒知其能吟庸風 是哉其在白沙石翁過楚雲臺為子道之且曰是猿若 又鳥知其性之足以感夫怨臣屏子之所不足者有如 月又惡知其性之足以感夫怨臣屏子於怪風厲雨中 視之腸寸斷矣則猿之愛又明明也夫猿不畜於家無 雅猿猿母隨舟奔走而下數百里擲身舟中以死剖而 忍棄其親猿之孝明明也又當聞昔之下蜀人當取 卷三百四十二 「へん」りょう! Aisis 能知人 非土石比也子家東鄰泮牆先是限以土埔至永樂主 堵如故者其惟塼墉乎夫塼乃煅土為之故其性耐久 土其墉遇水則崩石其墉遇火則裂求其歷水火而安 th 久之業也成化癸已災石皆缺裂其尤破碎而不堪植 則蕩無遺矣先大父嘗為此懼以石易之自以為您 埤墉記 八語雖教以孝經論孟節目且能不違其內無雜 謝復 明文海

能適易之以轉也夫自國初至今南百餘年吾庸已三 易矣頃因事往蘇浙訪古遺踪凡幾經兵焚而塼墉猶 立者始以博易之時邑大夫谷山王侯深偉其事惜未 金りにた 其稍虚處則釘以木捷始安石其上縱橫布塼於石虚 土為塼輦而至於其所尋井其下旋入沙土藥而實之 屋蓋欲塼其墉而封之將以圖不朽也先期募陶人煅 丁未冬家君命予兄弟者即西山之麓築書屋五間環 有存馬者則土之與石石之與專其歷世久近較然矣

スニワシンニラ **歲十月既望始記工凡二百有八日以工計者八** 北以履園地之勝且以輔吾庸馬其制上銀下方廣見 有八尺起工於弘治戊申二月初吉夏秋大旱罷其役 有四寸高二丈二尺有奇其右高處視東西祭周圍十 之旅素其裏以通户牖之光門其東西以便出入徑其 **塼**皆眠置次則 其中塞以瓦礫和以灰泥以次疊而崇之其始四五層 一四層亦皆服置以瓦覆之既而媒其外以禦風雨 眠而四立又其次則五立而 明文每 **뫲馬** 百以

因併及之 時修理而至於堅且久者則尤不能不望於後之人也 使令者仲子勞也朝夕環覺而胼手脈足者醫與夢也 費計者百餘两勤勞朝夕與匠氏相處者吾弟嘉也供 近氏銀方昶而記其事者西山居士復也其有缺壞以 雨岩滴露岩歸雲洞蘭雪坡茶烟岫咏月橋卓筆碧洗 方洲草堂叠石為山山之上有蒼玉峯東垣柱頗峯宿 笑山雪夜歸舟記)張寧

金厂正屋人工

卷三百四十二

ランショラ こう 間自念平生簿遊江海超然順適者凡二十年早以衰 外皆墁垩一色通明虚白恍若 及尋而横廣以倍其上環竹為覆篷仰飾粉素牖户内 小而氣象景色生意畢具庶幾一拳廣大之意則亦自 **潘尋丈而欲擬諸大山可發一笑彼山之大者非己所** 有可喜而笑者在名之曰一笑山其北有舍南向深僅 有亦非草堂所能則此山可貯而有以其能小也山雖 砚泉映山池皆鏡石刻字周植小檜梅竹雜卉高曠未 明文海 舟寄泊於湖山風雪 九

機固亦在我耳何以街為余之有是言聞者亦相舍去 歸與當復不減名之曰雪夜歸舟總七字而揭諸簷楣 金月四屋ノニモ 而相命之士無留跡於余庭者正統丁卯隨計北上 子初不喜人談相命自謂禍福利鈍本無先形倚伏之 所以志余之自得也 病還家体即達室譬諸剡溪夜泛尚未及門而遽廻則 湖中聞学君景墳善子平術言人 傳學景蹟事 張寧 老三百四1 人禍福利鈍皆可聞

火いりずべるラー 授監察御史丙子冬刑部即中歐時熙邀余飲景璜酒 繍矢他無庸也江以遜格不及笑其妄後四日以變例 補左右寺缺員叩景瓉請所許與應聲曰五日內當衣 也相與傳致其事於江君元勲勲時方觀政大理将待 實心感馬未服求也及甲戌登第榜中皆盛稱其能競 人始生歲月未幾果驗余始心喜之知世之固有是術 相延謝始今侍御魏孔淵訪景瓚於太常官署索余二 人生展謂之率然語曰此婦生當從貴然 明丈海

學生某也景蹟點良久曰皆貴人一 異者難之則侍御公貴項憲副蓋臣莆田尹李宗浩郡 舉酒相屬歡如平生慰勞之餘試以四人同生時月小 没數年矣戊寅中秋元勛孔淵過舍會景蹟自山東來 以是月就木益神其術初刑部尚書陸公為方伯學士 今以血疾死已時熙撫掌大笑詰之則其故妻因産而 未有他故疑其詞氣太逼後 請舉未成下三人皆奇中獨公貴以丧服居盧 卷三百四十二 月得南中報書云公貴 一死 司憲 一登科

ダングし

. 1.

スかりきとこう 豈其人天分高絕今以經術推演之妙而假是以立名 盡合子平之書而旁駕曲出動極理致莫知其所自來 今所居期許無一爽者其識鑒精切大率類此為人疏 初若不經意緒而修理畢具百折不窮要其所發未必 日公為通政恭議禮部侍郎李公為學士時景職皆以 於人乎哉聞其初以詩經應舉復賢良方正應薦一旨 無所取材至於酒酣與發雖問答累數十人言論如流 豁善吟咏聞居服大布衣著方巾作西江書生態真若 明文海

金厂工厂 **瓉論人雖** 失之斯其所謂命矣而復皇皇馬不肯自己務將有得 其言雖多不驗猶足者也況重有驗那宜士大夫之喜 真知禍福利鈍之原者子平之書馬足以求景蹟哉是 不然天之於物有定者馬理與數未始相違也每觀景 則少之時不必求也而當求之知命者固如是乎哉是 而後去豈其明於人而不明於已哉夫既知老而有得 通於其人繇其所自處觀其所處人則景墳之學豈不 二弗驗則曰是亦命爾未當實其說以求 卷三百四十二

之直往者迂迴之於是立者為峰側者為居深者為洞 火之四年至三 為正中峰分左右麓伏者啓之滿者虚之對峙者差互 視子一日入後圓循讀騷臺而東見有礌何伏莽中者 景蹟者不獨余一人而止也 發之皆怪石也告子曰兄癖類柳州性好山水籍此為 鎮陽有怪石禹貢所不載者弘治庚戌夏季弟敬叔來 山凡諸形勝可不驚遠陵危而得之矣予曰善乃稍稍 壺中丘壑記周珠 明文海

オントノし 為湖孰曰不然復命家僮縛茅為亭取蔽風雨告予曰 大者越人賈汝易當言其都有秘圖湖僅大如旋此之 其中命曰勺湖予曰此非誣也李弟曰世固有以小為 鬱然而深秀者次第而成山山成復杯地而窪之覆水 空者為谷復取蘭菊竹木分植上下然後歐陽子所謂 登馬見夫所謂山者微尖寸碧掩映林麓宛然如對太 昔黃龜齡嘗記其第所謂笠亭者此得無近即他日子 山華嶽又見夫所謂湖者輕瀾淺波拍滿涯岸恍然

卷三百四十二

識也妙識入於無故不有其有以幻為真此俗識也 識膠於有故不知所為無者然比二者為說皆有非也 臨震澤洞庭因題曰壺中丘壑進季弟而告之曰夫天 因丘壑之談而得處世之說請書以為記 是為有所纏繞强自排遣耳君子則不然君子之於天 幻世有以幻為真者亦有以真為幻者以真為幻此妙 下也以天下之理應天下之事其中廓如也季弟作 事有實體可據者是謂之真無實體可據者是謂之 明文每

中清虚相涵丸如其園如懸如其麗如浴如其旋如樂 則見夫月之外有黃亦二量暈之外祥雲絢爛五綵 少馬有杂雲來掩之漸贖而散月乃復故益吾華氏女 色紛披輪困互映旁射千奇萬麗不可名狀月在暈 卯中秋之夜月踰午矣有言其光之異者開戶視之 其輝如濯如其潔如其輪廓若加 如此予當聞言月華者人人殊令於是獨有得馬月 部寶 而大馬凡 屋許

免玩匹唐 全百

次定四年主書 亦陰物也爲能動盪騰躍如是也哉是日久雨初霽 刻復大雨震電玄畫稍霽尋復雨至是乃大霽 水之精也秋之氣於行為金秋中則金威金威則水因 不肖世能藉庇光澤官翰林十九年而陟亞卿又七年 日為之也是故其望也修其華也忽不然水陰物也金 以滋故於望也受日之光於他月之望為尤重月之華 以考績蒙思贈祖至厚幸已 健應圖記韓世能 明文海 |顧祖先遺像舊失於 西

緘素紙 精誠所感神必至矣能謝不敏辰刻到壇作法命能手 事又能為人名像貌像久請未許內申元春潔誠致懇 無從追補念此日夜心怦怦也所善友周東忠氏精繪 測之曰今日之僊宜至自未公第存神注想坐層樓中 刻肅周君へ 未設壇陳供於延真小閣益寒寓之三層樓也是日寅 乃許以二月初吉舉事法當先期齊戒禱告至十日丁 幅書求賜言於封上置倭壇送焚符走檄周 見語能曰此来有異香隨車入宅意 卷三百四十二

静俟庚戌兩日內用其言看得舊姚二舊像往事如見 堂應之改視所封則雲烟湍紙如前題云見者驚艷謂 多禮且云護法神至者眾周對言如總為優法具於中 ノミンヨラ 小きつ 此廼無上法書匪乩仙所能成也周君遂謂重局壇所 空中并早所緘原封飛至能跪受之懷語周云韓學士 揶揄奔告驚喜能端坐及未像果至矣劃然有聲擲果 候之俄有三白鶴飛來壇所忽自三而五而七而九而 二摩空耀日迴翔久之其時瑞雲繽紛可摘也觀者 明文海 Ł

一我 靈哉奇哉考之仙傳古惟吳道玄慕墨成畫極其神 妙不聞其書清臣大師萬切縣崖丹書飛度世謂神 者乎淑人兩像再託周繪克肖宛然實由神助奇故靈 賣於戲雖使軒后遺弓孔壁出經自能視之孰可當此 矣聚族產需時至啟局則壁間所點網已畫成祖像衣 染浸杯水非人間有不知何來 圖上復有題的神采煥 發子孫見者慟哭 且愣且喜左右親舊皆雨泣羅拜嘖 冠笑貌假若生存不爽毫髮綠繪鮮妍所餘丹粉諸色

ルレーノ

んと言

卷三百四

臣號丹泉子家有黄芝出地白鵲來巢之異信參靈入 家廟伊嗣世子孫無忘追勉非敢以示人也東忠名時 居即龍街之黄土曲北鼓出郡熊聲自西南來騰騰沈 妙執桁非凡品云 之獨所過蒙忠孝之許省循實切冰淵謹勒貞珉奉藏 渺茫術家變幻難憑而無用之言未然矣能何幸身遇 如莫知其所在嗚呼鳴霜叶月浮空摩遠敲寒擊熱 熊樓鼓聲記犯九明 +;

能煎人 以為記 戍江湖之遊女以至惸孽背燈之泣畸幽玩劍之情此 俠無內之嘆追於悲鴉苦大愁質困蚓且鳴號不能已 戚為天涯之簿官獨海之放臣雪竇之枯禪沙塞之窮 察公做私若哀者若怨者若煩冤者若本然寡情者徒 クグリー人 鼓聲之悽感極矣歲庚戌五月十八日丙戌聞之 興寧永記祝允明 (肺腸枯人毛髮催名而逐利形寒人惋孤娥戚 卷三百四十二

馬使無水無稼絕飲廢粒人物且盡舟楫馬往興寧小 啻十九白其一 溪廣而為湖障而為陂塞而為塘瀦而為潭通而為河 堵中水出山為泉四壁雜下曳練紫帶信土分走注而為 澤百谷販草動利舟楫飪鮮食濟之庸無涯唯田功大 砂而為難涉而為渡穿而為池皆有濟也而農之利不 ファマー **脾不可舒舞袖然四郊皆平畴千山鎖合民稼環** 源一 一流游阡泳陌涵禾潤壤灌沃滋蔭 明文海


昔者夫子之稱水曰美哉水洋洋乎水之美能濟物也

髙早勢達乃稍助以人力輪而挈之澤乃亦罔缺凡水 達自然之才以為庸者動越干畝見者徒覺其或平浮 病者害至倍旋馬夫海之鉅江河之遠殖財利涉事 目而未覺其恬行點運輔吾然人尺浸萬釣力也其或 而静或奔凑以勇與物曠然無情第澄懷爽氣一暢 之力大小必與田稱葢凡兹邑之水勺勺滴滴無不濟 者勲莫與之京也視他邑或水踰土功病参半若全 雄潤能無墊獨之青軟唯兹邑之水無小無大靡 耳

銀兵四十八全十十一

卷三百四十二

一決壅利已病物以起訟者每不免嗚呼井法不存溝洫 傷其局於新域而弗溥又傷夫人乃有更弗克用水聊 亡制水克恒濟人人有弗克用水悲夫予既美水功又 火之日事全書 -有善無害育萬生口甚矣乎美哉洋洋者敷然民以私 列馬以颺於其邑之人 明文海



欽定四庫全書 ていりい ハルラ 大中丞桐江俞公文章政業卓然名臣而有至行公之 都陽公仕成化間為名御史以直言 商判遭州沉浮 明文海卷三百四十二 記十七 記中还俞公孝感文徵明 紀事 陽致仕治任且歸 明文海 餘姚黄宗義編

金人口匠人 月即時隔千里聞問不相及而公方以諸生隷學官 望皆水公私舟蟻泊莫可致詰迤還至九江九江舟楫 乎詰朝遂行是歲甲辰五月十有三日 也及渡都湖 比至果然蓋鄉人在太學者傳鄖陽死矣公投地大慟 起坐呼從者曰大人得無有異乎何為惕息不能眼也 又不得輒去昕夕憂懸 往來之衝官於此權舟馬公遵陸問訊真萬 而復蘇百方譬止不從曰吾居此以日為歲其能安 卷三百四十三 日以事宿所親家夜聞鳴金 邂逅 瀰

マニララ 時公憂惶困瘁逢垢無人色兩僮掖之踉蹌行道上人 日而縣舟之頃即公倉皇問道之時也長江渺瀰風橋 絕者屢矣既定叙所歷則公離家之展正鄖陽解任之 悉也 舟求魚方次湖口耳公聞言驚絕掖至舟見即陽方無 之則其家老養頭也問其來乃鄖陽夫人道中思鱠泊 仰天竊嘆方不知所出一人前拜曰郎君何以至此視 問得其故莫不憐之或言官舟不受權非有故不泊公 |相持大慟又絕蓋自上道至此驚潰百出顛仆 明文海

金アレアレノニュー 則不泊或治馬後先差池欲避近一見得子公父子相 去數千里非有期集徒一念之誠而求諸去來瞬息之 父書有亟來字夜蹴其弟庚曰父得無他乎吾心動矣 不然公且抱無涯之悲而向者鄉人妄傳豈亦天有故 下上日以萬數風駛水疾一逝干里使其時非以鱠 那害讀宋史丹稜唐伯虎者其父遊瀘南伯虎夢收 如投券取物不爽晷刻殆有神出於其間非公孝誠 何以臻此既而鄖陽道卒當樂視斂公得盡心馬 卷三百 四十三

摇數十里客舟布岸不動伯虎傍徨堤上得漁艇跳 スピリラ 無據之地以取必於去來聯息之頃其事視伯虎又有 卒伯虎仕不顯無他政業可書獨以兹 叱僕夫解維抵瀘而其父果病遂迎侍以歸居數日而 即 不偶然者顧公方向顯於時奇功雋烈將彪炳簡策此 史者殆有意也公之事與伯虎類而公投足於渺茫 日裏糧趨瀘南黎明走洪州將飲舟而江水盛怒聲 節耳雖然君子論人必於其微觀公為是其皇 ニーラ 明文海 事得列史官

金岁也五人言 行而言者妄莫不疑公公卒得當湯藥視含級非 者也世之人率以功名煎業相烜赫而求所謂孝悌之 絕之行已概見於平居未仕之時而况孝經云資於事 新都什九山也水幾一馬遊者浮慕江湖輕病其山贏 父以事君盖言中於立身終於事君未有不孝而能終 而曷能是公名諫字良佐其父名蓋 至通於神明者不可概見公獨以一心之惕息果於行 水塘記汪道毘

水族流沙積石皚皚磷磷遇風為湍遇石為瀬望之如 波潦水降矣淺則膚寸深則九淵無不可以察溪毛占 子都經所謂南岷也其下源源時出為江濫觴凉風始 既濟時間丁喝其燦若霞其錯若繡其陰若紺其陽若 也天地時察草木成章新都丘問相因林养相望天風 、人口で ここう 朱其流若黄其凝若紫五章大采莫不具陳且也三天 同矣春淫為患則南服同維時為秋萬物成說及其抄 而水組余家食且久校四時以為常暑雨祁寒視四方 明文海 四

周将名山大川要以鉅麗閱深則誠有之矣乃若紆錯 竺中邑而名其下則豐樂水也是日以登臨絕 勝戴星始 水之紅無用其奢矣五年九月余從諸弟登金竺山金 米鏡空明小人有懷不忘故土即山之贏猶以為儉 緩者中鳴玉急者中哀絃余皆危上 練如璧如瀑布如長虹即而就之直中弦平中準其聲 嬉通風雨害游旬有五日乃如約豐樂水趨飲浦是為 歸虎臣以疾失期職甚其兄子仲實期余就里中為 一林遵太液巡海缶

金グレン

1:1

欠っていていて 師於是鼓之以鵝鸛進居人未之前都也聚而堵觀 奇者以其二 山人在馬日幾中乃就筏主人誓治者畢班前後若舟 子若僕夫其二介紹而傳事既余從仲嘉至徐孝廉愈 益奇者半耦其半而四之耦差廣近方舟始足帳具於 中流浦以上不可舟僅編竹為泭耳主人具泭十有六 一若慢亭襜如也歌舞出馬其一庀行厨則字 若樓船以坐賓主暴其一若步幄以貯歌 繼樽簋其二載簫鼓為前驅其二載諸監 明文海 ħ 夫事

於是驅而退之楫並舉既亦上将望中野孝木林林總 益前不能屏主人笑曰公等亦染指耳安能養耳目平 **龍劈積石其日秋陽不屬魚鳥依人** 北則 奉山高岭如列仙擁羽蓋 相迎靈山 迤西如役奉 總如濯蜀錦出西南西則金竺倒影中流如奉員嬌西 竹之歌歌三終觀者益集更進而就美陰為越吟躡者 人方供菊數枝焚香吸茗而已少進聚觀者躡而從豈 其於此乎觀禮樂哉蓋慢亭招之耳主人出歌者為黃

全グに正

卷三百四十三

火いする いう 緩聲為淫哇者一 指疏前塗日下春隕如洋實短墙長海如良史繁磚所 君馬黄為臨高臺為將進酒觀者疑張樂洞庭之野固 調作鏡歌自度不容驅馳則含筏而登岸乃為朱鷺為 目則奪聽即敏者不給矣日既納乃簿南舉召韓娥為 不知其所從來比及橋泭者淖矣主人夙已聚徒五百 其行不遠石梁在目觀者業已逆之水濱歌人乃廢水 人為房中則以媚觀者於斯時也任耳則廢觀縱 洗之矣幔亭出二燎懸若火齊客請 明文海

上り上た 髒者之為兹既多主人能幸而佐客雖甚虎臣適矣故 樂乃今賓主相得宜盡雕故醉虎臣雅有酒過要亦聞 秋伯兄遠得君而顕得親益亦自適其適矣故及秋為 者十年是日釂者累百徑醉矣仲嘉謂士不得志故悲 故干觀者倍昔主人修無弄的歌人亦競新聲余節飲 醒時而醉時而醒其適均也客以為然併以授侍史 而母連乃班 劉鳳 **祔者既來流下歌人送出如初頃之様** 卷三百四十二

牛目丘 陵為崩吃騰涌風横扶之怒號天地若搖兀者 相映發回中人館不勝禁予與二三子居與室重象自 **殿殿欲置景候慘冽甚日職霏霏薄之黔靄澹淡霨起** 歲甲戌月之涂時乃大寒儿風扶搖陵震川陸冰皚皚 **ストラー/こう** 久不将今復睹此怳然懷往且方少壮精強胃犯雲 **顧躍然喜自昔之從熊中役霄雪點浥窕窕千里積至** 擁指 栗若露之冷析骨驚相謂項歲來寒未有也乃余 塞涂自血遂以達彌望皆凝巧林木凄其色凛凛輕野 明文海 Ł

金月口屋ノニー 寒朝夜衢路騎行無益執策驅之耳不自覺今雖衰奈 欲並出者咸怪之謂何所急屬意不避横軼中流獨摘 硫墨觸擊其棘役者体勞之酒復行傍縣者觀者倚 斯裂離析之聲硼确磅碾落若襲斷之樂硌碎若玉磁 諫不聽始自岸側鑿冰冲冲開不尋丈益督之前霰霰 何都無意氣學兒女子縮胸乃强命概欲有所之榜 如期赴迫切者咸際以助之勢揮隣突攘蜂起 整三百四

次ピロをこう 龜手不足言戰戰不可任語笑皆為凍咽竹樹腿殿柯 若霧霾之若沟沟動雖肅属而不與徹孔子云天寒吐 或呼以作氣遂抵湖上乃策而登四顧殿聽蕭角遠郊 波沸翼而感之磕磕然者已而迫干霽和澤氣稍融液 珠於澤睹若澔羔不辨語所謂天白瀾瀾寒疑疑者與 積涯浜祭若雪綺矣數里問問為通道夫或捧痛而認 胡石氣鬱鬱鎮擊與雕雕相雜而受之如射沙石栗膚 **價破解散者所蹑跳副野者所撐捂張拓者則已委** 明文海

一都寒絕手足皆疼墮沉身没命思策功名獨何壯與陰 葉盡零望乃不敬湖山遠來在前予雖意益舒二三子 養適過數理皆缺顏澤不堅故不可犯霜露子四方之 之景氣無論四時當其極豈不佳哉 無復色遽欲歸夫時者不可常即歲如此嚴亦幾何遇 ノシラエ **歲冬燠則藏乃不固今幸水澤腹堅歲其阜與玄冥者** 室以賛陽氣故無冰則書以紀異東南地氣稍偏然累 人也久此悒悒豈能忘故时忽睹此遂動驅馳想彼此 バデモ 卷三百四十三 何以暄凉間也人

次之の車をす 日話平生各扣所新得先生曰非我所知也何公曰方 館則屏關從徒步往候馬何公家居無一應門者先生 先生官南行即時以進賀北上取道懷慶訪中丞伯齊 自扣其間何公躬自出故門相見數甚為雞恭延好竟 何公公故清貞高蹈人也與先生雅厚善先生比至公 义因其寒暑之暇極意所之縱覽觀馬而嘅寫之矣 能奪其令與予雖山澤逐安得時穰嚴登乃能無他慮 徑野逸事記取定向 明文海

林 取樂 **成子原可乎公辭** 頃發視果成白金矣先生異之何公曰吾以衔授子以 則 持置堂中 生圖記 從 可籍是朝夕耳 外實亦有此吾試為之以諗子何如乃起入內發笥 口中 -取黄銅 作書懇何公授術何公授之子弟如其你 取樂點之樂人忽如蟬鳴聲已 如栗為口中出大人為供爐具於屏後公授 歸以語始友子弟側聞之喜甚因竊 曰吾方受禄於朝安用此惟兄在山 錢置爐內自舉竟然人相視銅液)用灰蓋之少

卷三百四

+

欠り日本にう 敬吾云其析用雄雞 閩泰 寧人蕭姓者余友近溪感之謂其術能役鬼近溪 特廷道訪何公求術何公大家曰吾素以吕子木以君 樂竟不成嗣先生至南中間以語霍文敏文敏北上時 實為平生無妄語也乃今亦復為妄語耶 於貴妃矣又其桁謂能為人接命近溪曾授之魏中 子之七也當致之令弱孫見馬此其事類唐玄宗之 紦 怪耿定向 剪其羽毛别用五色線繁之如 明文海 + 承

長置常寢處災當可消算如其言至期果雷震柏木 晉書郭璞傳中事璞當為王尊恭軍尊令作卦獎為言 鳳形致令冲舉空中頃之自空而下則口街丹書中言 近溪瞪目摇手曰噫子不信然雷即擊汝矣此說有類 所獨鍾器物 日其樹自枯死代為接命云敬吾聆之悉曰是何言與 人年數脩短祈永年者為擇大樹 日時有震厄可命駕西出數十里得 件整樹空納其中令其人面樹默坐七 卷三百四 株取其人平生意 栢木截如驅

ノデレブ

次の日本之方 苦不可忍但不敢過司馬司馬撫劍擊之有血淋淋隨 司馬以諸妾年命推算宜子否其人既得此則為妖術 安宅失宜故令艱嗣息如此如其言改作則得子息番 有紙片墜地家沟沟不得安枕各持利刀其人亦披髮 行云司馬故清貧憚改作其人即衛之乃說言能星命 **戴嗣息曾有士紳薦一形家葉姓者金華人為司馬言** 之世傳王尊加災於水免災於身云今石司馬東泉台 令司馬宅中忽崇青滿屋日関関有撫掌聲常檛人面 明文海 <u>+</u>

曾取 **璞傳語傳言璞客江淮時愛主人婢艷無由而得因** 中用黄紙書妾生年月以針刺之而書符其上司馬取 若有所為者司馬凅其池其瓶果在瓶以油紙封口其 家就視則滅主人患之請璞卦占璞曰婢為崇也須出 小豆三斗統主人宅散之主人最見赤衣人數千圍其 碎之其崇乃息而妾有挾孕者竟死馬此其事亦類 仗劍為禳不得息司馬詢諸原侍術士者侍者云術士 ピープレール 瓶今不見何在又見其常在其廟後池邊付立 卷三百四十三

次之四車全事 |妄語者既考覽晉書亦有類是豈人間世亦有理外事 數十赤衣人皆及縛一一自投於井中主人大悦璞竟 世者念哉予免時聞唐僧三藏往西天取經其輔僧行 予謂近溪志道久矣亦感於此若石司馬故端人不為 得其婢去耿子曰子不語怪此類怪事余素惡言之乃 耶抑晉時異教盛行正道養蕪故多此幻妄術耳經斯 如其言出婢郭璞令人賤買此婢後為作符投於井中 其好於東南二十里賣之順勿争值則此妖可除主人 明文海

高僧問曰子從何方來曰來自峨眉又問曰何時發足 白今晨也僧曰何連羽衣人禮謝此何以故吾心瞬息 故爾苟實明心干鬼百怪安能出吾心範圍哉又傳燈 **象倏見阿羅漢相倏見夜人惡鬼相高僧任之不為異亦** 即萬里也又一高僧說法間有一 云有高僧在座倏有 |此何以故如來見心無外矣從前怪事皆人不明心 翻身便越八千里至西方如來今登渠掌 羽衣人從空中少雲再再而 一來聽法者修見菩薩

次定四車全書 -山井就也負墙而聚之又慮井隆隆軟捷且井肖也乃 仲冬矣亥夜天大雨雪庭積盈尺馬越三日子聚而為 萬怪其如我何寄語柳塘諸丈試於此恭會之也 除基批蹈其上而損幹於外寸寸築馬其高可隐是夕 弟恨不識心耳苟從不見不聞處一領會得世間干妖 之不見不聞者無窮云嗚呼此言亦可深味大抵吾人 不動越數日其人不見其徒問之僧曰彼伎俩有限吾 雪假山記新學顔 明文海

寒甚厥明眠之堅矣色繁矣揮斤 則 媱 而磊積之簪合輻輳不雕不削象其攸宜惟其所植 可但已哉遂導客以觀客又嘅馬羨也曰巧乎有道 舒怒無弗肖山者子固山癖也而又語於山即弗 自然又弗真山若也乃又析為數十槎材林立錯署 凡技有鉅於此者可責效於率爾耶惟文也亦然鎔 於是作山記記曰揚子雲斷木為棋抗華為鞠亦皆 以今觀之是山何需於世也三集謀而後美視 卷三百四 飲刃刻鏤具體矣然 妍

嘉靖丁亥九月一 情於中和而質具馬故堅以澤鏤精於意匠而文敷馬 呈材材以結情情以會神神動而天隨虚中而機應緣 蘭而不芳有其實株李不言而成蹊故虚以構實實以 何哉其法具也吁吾於斯乎有省臘九日書示需兇 故協以縟然不有質也其何以文故曰無其情男子樹 天真放乎天趣任乎天姿即品有鈍銛而作無苦麻 大魚記仇俊卿 一日海中有大魚非夜潮而來直至海

次三回三人二方 三

明文海

十四

啖之者味如牛肉脂厚熬油照夜最宜船舡之用人 肉有入魚腹者盈車接道人畏其異多不敢食有烹而 屋舍漂流也近視乃知大魚傍海之人指之曰鮪長十 岸俄而潮退魚大水淡不能遊泳偃卧沙濱其處在城 作怒聲腥氣噴射人驚撲地繼而產執器統刺争臠其 外教場之北鄉民蛋作者望見之驚討為山移至此抑 八丈高可二丈餘皮繡青苔馨鬣如戟腮同漆工之常 而無鱗或者是海鮪也始而農夫以未耜前之咆哮

金ケレグ

とうし

也噫在舟之魚陽而失水紫莊惜馬若此魚者方其在 乃與尺螾同困跛鱉齊豹物大而不能自保昧於機可 多胎照紡績則暗照無樂則明謂之饞燈此魚猶不饒 來海上觀乃取去作假山主奉開元遺事載南方有魚 其者骨每節可以為白春米鼻骨長丈許崑山方前德 巨海洪濤鼓浪掀風將與蛟螭闘勇上下滨渤可使書 日陰蒙自謂形逃網召視小江河者也比其失勢於水 也使當時有推愛物之仁者護持之俟汐至而去免 明文安 ቷ

金灰ロアルクラー 高齊縣門樓長百丈縣民臠肉轉置壓死者數十人 或曰亦有關於人治者昔紹興十四年秀州海鹽縣有 屬厭於饞口亦可也昔毛寶放白龜卒賴以躡之以沒 骨二丈五尺京房易傳曰海數見巨魚邪人進賢人 江而免於難況此魚大於龜者什百是又豈蠢然者耶 岸民臠食之海患凡六年乃平即今聖哲在上固無容 又嘉定十七年海壞鹽官地數十里先是有巨魚橫海 巨魚羣蝦從之聲如謳歌抵岸偃沙上猶揚鬣撥剌其 卷三百四十二

陸公門下是時海無所顯名公視之亦未當過庸駕也 當毅武帝末年水村陸公居家宰而具人袁子溥給事 過計者切近之虞捍海塘工頹剥已甚恐風濤大作衝 邪人倖進雖進應不能久於其位且遠在天下或無勢 駕而逼將何以支吁不知此魚作何孽多隱憂哉 引彬並侍中後彬益親幸與帝卧起寧獨稍疏無寵也 公與嬖臣江彬有隙方彬未貴錢寧先用佞倖進薦 紀聞贈表子溥盧真臣

欠こうるくこう

明交海

ナ大

金りし 比居冢宰未聞海內以失徳譏一旦搆會青蠅乃使抱 倡亂震危北郡陸公騎馳千里戮其鯨鮑有社稷之功 濠金復衛兵故易為反有諂徵公下吏籍其家公母在 知陸公故善寧又聚間讒公曰夫陸完昔主兵柄受寧 會速中溥適除據中尉乃見陸公泣曰溥義不忍使公 此數街彬两人 **誣受戮以是上謁掌記獄者韓端而說之曰昔劉賊** 國門含情獄户 遂 ,誠非陽秋以功除罪之義也然上將 相傾會宸濠反彬劾寧縱反者購 卷三百四

大田り三日 含と 庶幾無重陸公萬世之恨如此則主君之行義高天下 言覆奏草具在案無與護衛兵也由是亦得減死商 母華夫人華夫人出二日竟死溥為經治衣棺下至飯 主君有殺人母之名溥念以身請釋其母繁以保殘喘 年八十即公被誅在律不過奴給萬一 蒙耻文臣受辱所恨從古何疑今日但念公有老母些 人誦說主君無窮也韓壯其言乃許頌繁陸公之)物賓客來野者溥主哭馬既又代陸公獄中上 明文海 一暴死獄中奈何 一書

斬卒之禍幾宗社陸公亦且身不免馬方其備雅叢棘 屬會彬軍失道當斬彬美鬚髯陸公偉其狀貌遂故勿 守卒曰當征劉六劉七時陸公為大将軍彬以遊擊見 之下言官閱閱者疑獄中書有黨人代之上請下令急 捕代上獄中書者陸公之困窘甚矣當江彬時權移主 有力馬余往年曾繁記獄有老守卒能道江彬錢寧諸 人事甚詳且曰吾常守陸公者乃從守卒問陸公遺事 江杉亦坐罪奪市盧子曰陸公之不及於難也溥與

シケレナ

とこと

卷三百四十三

くう 耶 有感於陸公之事以語好事者觀覽馬 不為利圖曉矣昔楊尹伶俜於臨賀長孺致潛於然及 !為盗跖陸公身陷大辟夫人孰敢為左右者則溥之 一貴辛無極遷賞則使餓隷富於季孫呼喻則今曾史 以溥事觀之何陸公所際乃有異乎古人恒情之外 且溥尉吾邑以幹飯聞今陛為鎮南州司録前尉何 百率以罪去而得選實自溥始是皆可書也余重

明文海卷三百四十三					金好口犀生
四十三				* - 60 + =	K (59)
			·		

决定四車全書 巾笥以歸歸之歲向盡矣尚未知是圖之委曲也有 **基炭春二月子從事京師錦衣周君出所謂村落圖示** 欽定四庫全書 觀其色甚愛者請曰君必為我記之申請再三遂置 明文海卷三百四十四 記十八 村落嫁娶圖記顧彦夫 紀事 明文海 餘姚黄宗義編

質之日子之知畫猶吾之知書敢問婦女而跨牛何也 牽牛而行重其女不使自控也跨牛質矣乃復有 頭持益以護之何也曰昏禮宜昏於昏矣農家苦燈燭 日此農家所嫁女也不能具角輿以牛代行也一 生者世家江北備語村落者也工丹青造子予以此 一費送迎以旦晝用盖以蔽日也亦重之也 老嫗門而望置幼兒於地肘其裳一童子稍 **翁牛後徐徐隨之父母送其女者也一老翁** 卷三で四十四 一嫗通牛 一蒼頭 圖

大己の写全書 談笑者也去既遠又有林鬱然竹籬節炎亦彷佛如女 **眄者也去其林少許將復經** 僕也又其股坐於小車之傍者車人也一皆邂逅而回 其手招之献畝間有二農夫既鋤且止是皆見其事而 次第行騎之者村妓也尾其驢以掖筝琶者村妓之二 也牛之前四人以鼓吹從事迎而導之者也道旁二 長携其幼指而語之凡容色皆若敬歐灑泣者傷離別 自離而出臂一兒又一兒牵其裳以行一老嫗抵 明文海 一林二童子踴躍以報 艫

急者也予聞之戲曰子真村落人也知村落之狀為真 若日新人近矣一老嫗門立以望察風聲以為禮之緩 家門之外有男子衣冠而鬚罄折而立誰也曰此其婿 僕繼之備使令也二童子參差以從其大者指而語之 俟者将導婦入門也二婦人咨諏向前妯娌華也将勞 子不能文遂以子之言為圖為記以價我久逋之文債 也古者三十而娶近世惟農家或然故壯而鬚也立而 其女子之父母且迎之也二人挈榼迎勞之需也 女

卷三百四十四

次定四車全事 拯屯亨否亦各自有其時非誣也若吾郡伯印江張公 其事也吾郡在白雲山之麓層戀擁其後長江走其前 天之生才率與氣運元精會協而成而才之生世每以 之治台也立石犀西江之步以障水怪而郡以獲寧亦 之有時天寒語從遊者呵筆書之 可乎生突曰此所謂一莖草化丈六金身者也何不可 一代之用馬蓋造化之流行恒若有所待而斯人 石犀記)王名東 明文海

災冷之後而吾民蕩折然 恒憂之既而公以部署宿望簡自上心出守於兹盖當 憑恃而為之者公乃即西江之步鑿石為犀 梁其間如隆慶戊辰之歲滿城之民不為 魚者幾矣東 值積雨經日則衆水畢漲然其盈甚速而其涸甚難益 諸溪東之以雕峽地故崎岭促挟而流復奔駛怒狂 下流壅塞而海潮又非之秋深雨多驕蛟妖蜃往往陸 納天台優居两縣之水下接巨海百里之潮灌之 卷三百四 值累雨 江水 軟溢若有 置之水

而言不然則大禹之 泛溢連一 スカーマー ノンゴー 者六經之中固無所謂厭勝之術抑聖人殆有所不得 時太守李冰者琢三石犀置之長衢而錦江灌江遂 無患至今賴之與吾台今日頗合即子固不知其說意 然自石犀既立之後江水安流即有數日之雨不復 二年水不至城下廬舍以完田畴以獲領 始知公之拯亨有道以此予聞蜀江善溢往 一鎖支祁在陽之母妖孽又往往有

溢

用厭勝之衆始以為公固用神道以安衆心未之信

生而志四方奚必塊坐一室如病手足耶孟良與之金 成去學劍又弗成乃棄去學賈一日喟然曰嗟乎男子 南人積高皆累致巨萬有子曰茂卿少負英氣學儒弗 鄭孟良不知其所自出在漢隱於勾漏龍門之間為交 後世也於是改西江曰犀江而因為之記 美於無窮以惠澤於台又非冰比也誠不可無記以示 可考者此又何也然則公之功固與古之聖賢神 今古奇聞記沈愷

金人工匠人主

請與俱茂卿曰父言在耳奈何時李班且三月茂卿曰 **煦戀好遂無意較什一** 千斤西逛蜀時年才茂齡未室曰兒去不得重息歸終 灰字可車/三方 妾既以身委君一 歌舞熊會絲絃鼎沸金泉隨手報盡納婦曰李氏日煦 不為汝娶茂卿前跪曰敬唯入成都見錦城妍麗即靡 靡不自禁日與他少年遊他少年轉相結納節裘馬貯 生男無委溝壑足矣無以我為念李執其手泣曰 惟命得若君言將百歲是賴何敢 一取息利以故背日落謀南歸李 明文海

於石俄而中溺漁者憐而出之歸見其父乃其氣索然 妾所愛後夫君所愛乃出紫玉簪為識歸至瞿塘舟簿 鬪雞走馬獵孤鬼為樂性亦慷慨樂濟人急有告急者 父舉其囊訝曰搞葉若是乎蜀川其敗汝哉子無川行 イジスト 年不來汝必更適然善待後人矣時胡且姓指其懷泣曰 倒囊以應無不淌意去又娶一 初客久金盡謀歸謂胡曰吾欲汝俱崇父命何吾歸言 年又與金千斤東遊齊齊故饒裕又時時與豪俠 卷三百四十四 婦日胡氏煦煦戀好如

坎定四車 全書 恐日就衰暮鄭氏宗桃謂君若何茂卿喟然曰吾父 父心至有今日自是斷魚肉絕腥軍絕口不道陶白事 遇盗僅以身免歸則鶉縷百結非復勾漏時鄭生矣父 吾負汝吾負汝曰妾既辱奉君子巾櫛君死妾死此言 賈也父坐是快快死茂柳幾不欲生曰兒不孝重傷吾 見而驚曰吾兒憔悴至此乎即皆積山丘吾終不願汝 且天不再室或勸之曰汝年茂未嗣不於此時為令圖 入吾耳行矣善自保愛乃出水犀合為别及次荆門 明文海

一町日就貧站茶履萬猶烈烈不隨時有少年者竊慕之 記憶不忘言至泣數行下曰吾魂魄終相結也聞字 作離鸞引以見志然追惟胡字别時狀及檢故所遺多 免竊請密室自經鄰嫗索之復甦嫗慰之日汝生方十 不肖之故不以夭年終此身亦已多矣敢妄生他念乃 有九年奈何輕死曰嗟乎爾謂百年永少嬰孩白首均 2姑挑之日芳蘭早凋信有時宁汝不於繁華時取妍 旦西風枯落人其謂何若不為動侮江日至度不能

閱有王姓者豪於財聞其賢美以張氏為先容曰得 裳俗故好遊歲時華美列行胡又終日闔扉坐足不越 在齊雖形影相將履潔無他女子習屏飾謝華蕭然縞 **労用是勵志烈烈軟以古人** 夜燈侍膝數數道往古陳鑒戒曰題柱棄繑何 息萬 爾終不為動既而生子曰繼芳惻然嘆曰百年 願珠寶珍奇惟所欲 蹉跌何以為解乃拮据匍匐日望底立及長 顧以百金為聘張善校自匿其 一切代自期譽彰彰聞矣胡 那繼 頼

鑿鑿道狐苦事且曰兒無父矣何弗自立餘美用是亦 動色母李氏見之獨忽忽不樂食飲不下咽繼若跪問 **蚤夜兢兢砥名行風動齊魯間當是時漢徵賢良共七** 去居無何有子曰餘美餘美生而慧胡氏居常含熊九 知其先所為乃縣而屬之曰人而獸邪聞者嘖嘖吐古 金佯謂王曰胡見金色動意有所受期至彼迎胡氏不 '繼芳餘美一時並與繼芳為城陽內史餘美亦佐交 時同赴郡國城堪臺觀人物園咽輪轂交輝草木

銀定匹庫全書

留 4Ē 蘇蘇順涕時夕陽西下指而拊心嘆曰不見吾父有若 供照列燭置膳酒半具問顛末縷縷無 枯搞髮毵毵鳍矣李且信且疑令繼芳延至郡閣大 子官兹土不念所從顧馳高車策駒馬樂耶繼若聞言 汝父故交産客遊蜀耳與余不通問死生三十餘年矣 EJ 屏間聽甚悉出玉簪合馬契之乃相持哭餘美同 軟繪所似遍索嚴谷間決句乃見若父至則形容 有無父兒耶李泣繼若亦泣又請故 事爽先是李

我心更切也無乃即其人耶令餘美具問如胡皆縷縷 銀足匹庫全書 官舍母胡氏聞之亦瞿然心惻謂餘美曰汝父若交産 為漢名臣云野史氏云嗟乎今之言睽合者夫豈少也 繼芳餘美率又脏脏相砥礪勸忠繩孝引義納軌並起 合及出水犀合果然率又相持哭於是合兩家為一而 於不娶向使茂卿歸而娶或不能有感於二婦二 來益未前聞其事甚奇茂卿始雖無良卒能悔悟而果 **未有一朝而獲二子不出户庭而遇二妻自有史冊以** 卷三百四十四

江見大江西來東門東豁瀾氣吞吐與乾坤相摩軋於 シャラー ノニ 也余曰都 甲 而矢志勵節不若是其果或不能振育其二 紀舉革於家雖造物有不可曉者余益灑然異矣 曰都江南形勢其在兹矣見中流二山秀蔚拱崎與江 午歲余以簡命按視江南四郡其月其日筮治事鎮 真若巨靈驅擘使豁江流之衝以關節中原之 焦隐士易服制記王華 郡形勢其在兹矣既飭郡事其日風日與 月/每 一子天經

問山之所以名則曰東漢末造焦先生光隱兹山三部 生腴瘁風俗美銀而為之經紀馬詢奇茂搜靈逸而樹 所肖先生之像也余曰說哉崇而祀之可哀冕之不可 之風聲馬非徒以邀燒為也時從行者有其官其官因 行三里許往焦山觀馬將省江山險要與野土所宜民 宋追我朝成祀之余遂造祠下致廟見褒然夜冕者則 緊命與出定波門 迤邐陸行數里循象山之崖升舟江 不起弗盧弗食弗衣自如也後人高之山名因姓之自

金人正是人三色

卷三百四十四

於兹山脩然與山雲水月相與窮馬庶山之得以壽兹 及甫榮之以為報死亦衰冕祀馬今加諸草野搞寂之 高潔沉静付形自然先生且弗盧弗食弗衣死而衰冕 天下之俗置置爾賣朝廷之典無以敦懋勲而天下之 被馬華質弗倫乖先生之志且天下有有德者有功者 人心泄泄爾兹不可其易以隱者服俾先生之神獲妥 人名實匪稱瀆朝廷之典非先生之志無以勵貞行而 足以康濟生靈以永永建又那家於是乎天子以玄哀

金灰四庫全書 薛子歸耕於晉陵五木之野畜将牛二嘉靖辛商春莫 國家無窮之佑吾猶不欲先生之專之也儉曰允哉人 山石書其賴次某月某日某那其記 冠服之制已四易矣今幸就正不可無辭以詔後遂伐 心弗同因革非常自郡守林獨以後未餘百祀而先生 名也雖然山之英爽勝概其襟帶江南凝蘇王氣為我 產犢時時低而乳之其 相乳記降應析 懷胎而未産迨夏閏月

之若其子然問恭老雅相傳而趨視者罔不感嘆云因 續時時回顧其母明日乃復於至母死所號呼顛頓農 慘傍徨若有不忍之狀隨去而舐其犢既牧人擁犢歸 憶韓昌黎猫相乳説司徒北平王牧人以康罰罪以平 人のうる これう 國 人成異之踰旬日懷胎之特亦產一續乃并前續而 池 事既罪家道乃行協氣感召致猫相乳且謂猫非 仰卧 五日牧於院上產續者食草過毒係忽死情號 顛滾尋複含死乳悲鳴不已 3 明文海)其懷胎之 宇樓

潍米子調牛善觸故詩人以濈濈咏之則牛之性又不 金ケロ屋ノニ 記 平定之山以浮名者二故稱東西浮山云東浮山在城 猫若也今顧有此战不知何以致之余重有感馬為之 於仁義者也其感於所畜若此詩曰爾牛來思其角谶 東五十里餘即女媧氏補天之處也其煉石竈尚存山 多產石灰勝他產而所產諸色石亦可燒云予嘗荒唐 浮山遺竈記陸深 卷三百四十四

必可車行う 遗俗馬可假已凡吾定之人環而家者以干萬計而附 補天之說今適其地睹其跡於是名其土人問之上人 於今不廢也是之謂補天予聞之始悟而未有以發也 州者尤客今州居之家復以百千計歲上元之夕無論 夫士大夫又曰然子曰何謂也時愈憲白君實之曰是 石灰至夜煉之達旦火焰焰然光氣上屬天為之亦至 小大家家置一號馬當户高五六尺許實以雜石附以 曰然又問之土人之者宿者宿曰然已又問之學士大 明文海

繼太昊而誅共工是時火德中微生民甚樸想夫站手 此益史氏之微詞也要之實理固亦有然按鍋皇之 遂過樂平與太宰白巖先生喬公談浮山及此予以為 後世所謂焚膏繼晷爝火代明 也况洪荒初開林水鮮少樵薪之利漸微而附麗之機 飲血之外日出而作爾日八而息爾固未能盡火之 補 烹飪之宜所以開物而成務益曰補天之所不及 **隱妈皇乃察物宜前民用是故制** 亦斯義也此誠贊化育 此以通昏黑之 爾

イングロ

卷三百四十四

火こういこと 炎漢前将軍忠義關侯廟在濟縣李家道口鎮東不知 以為燒丹接氣之術故神其事世遂惑馬公大以為然 補塞之讀者不以辭害可也後世方士家本列子之言 補助也赞也未必盡寫爛縫修綴之義固因其罅漏而 云此可破千古之疑子許為作辨而未有以復也聊記 | 端聖人繼作舟車宮室之制安往而非補天也哉 焦義士存廟記王城 明文海

神 實與他強祠者不同廟其勿毀鎮人於此益神夫侯之 桁 赴 多グし 以故鎮 下溫祠 图) 自 存者寧知後日不復以為強祠乎願 而高義士之義也義士懼有後虞請於大伾子曰廟 弟當為存之忽報有臺檄至機云侯以名將為神 知 何年 Æ 所處有焦義士兄弟者慨然言於衆曰母憂也 ノニーし ·侯廟在馬鎮人 敬事之久之不替益隆嘉靖至卯歲何段 其神靈異於他廟鎮人儿有禱者應如響 卷三百 成恐恐然奔走號呼於祠 記

安知侯之英靈不感待懷昔而當住來於此耶宜其神 乎盖**智讀史至白馬之役而知之矣當顏良攻劉延於** 滑僅三里許安知侯當日之剌顏良者不在此地那 操及其既刺顔良也又能封還曹賜拜書告辭而奔先 白馬也侯能刺良於萬衆之中遂解白馬圍以報効曹 クロティーシュー・ 者忠忠義仁勇俱著於白馬 主夫解圍者仁刺良者勇報劾而後去者義不背先主 其存可也大伾子曰存廟是矣而知廟之所以當存者 明文每 一役白馬今之滑也廟去

世傑關中三原人父子兄弟世商於鎮行義多類此云 辨於此以示夫後之毀淫祠而無別者義士名世英弟 餘者皆當毀也益侯生於解良得主於涿郡起義於平 以為解良涿郡平原荆州章鄉五廟義當與此並存而 靈異於他所矣此其所以當存也若夫在他所者愚則 原胎大敷於荆州死於章鄉而餘則不免於法矣因附 或問方岳徐公樾之殲於沅江也與二忠嫓烈垂休敷 金定匹库全書 書方岳徐公事 周復俊 卷三百四十四

職斯稱矣兵戎非其任也脱有精謀秘策鬱鬱於胸覽 聞此地之長老大夫士言莫不以那鑑賊其猶子圖謀 將或有遺論也子曰唯唯否否鄙人何足以知之然寫 時不平義不容默則密陳當路以補戎事之闕吾言獲 叛逆之跡也聲其罪而理之可矣奚必赫然與師哉徐 公力不能止則當調度餱糧集於境上以贍遠近之兵 為後此直一家之難耳未聞其攻切城堡殺戮居民有 國之福也生民之休也萬一不用吾心斯盡矣非) -1.5 明文海 ħ

金足でんく書 忠惟致死之之為當也且當是時六月與我山川煩蒸 進而客兵之信地不分土人之鄉導莫遣是地利弗 未順也用兵之道無利深入鄉導為先沅江高山絕坂 霧露毒發帶甲荷戈之士屬死道路枕籍嚴谷是天時 二忠奉上之命撫諭蒙古被執之辱也脇之不從則 林青陰翳道途險熾其城背山阻江一夫當關萬卒莫 如蝟是人和未審也此三者皆用兵大思也犯此三思 於時將帥未調人懷二心心持一 卷三百四 1 見議論叢生襟然

子聞其言而悲之未當不為涕下治纓也子與公為同 說孤忠獨持載賈胡之帽披夷羅之服慨然據鞍揮刀 是兵未交而先敗矣公又不俟羣師之集無煩遊士之 旗鼓而進彼首雖然必不敢加兵既殲之後始知軍中 矢刃交膺而公遂告亡 假令公當時褐蓋緋祀建大將 徑進前書大字即日居城欲何為也致使醜國遠觀咸 有徐方岳也今雖梟張經之首剖趙完之尸亦奚益耶 曰那鑑信有罪爾一城之民美罪馬於是衆怒莫遏

たこうさこう

明文海

曹公曹與張同邑張不往見但謝不知遂置第六廷對 **猿體痛孰甚馬嗟乎泰師之敗於殺函間也非獨** イングレ 復得第 司欲首薦以北卷為疑既拆封知為真定人以問宰相 張御史春真定人商弘載榜二甲第五人初試南宫主 明視之過也公獨不幸而罹閔凶殊可悼爾 知深信篤天日皎然其文章徳行無俟贊楊而喪師 書張御史事 一甲第三人曹又易之初授南京廣東道監察 周思兼 卷三百四十四 孟

指揮女女徘徊都市商殺之血污女衣以石沉之井指揮 被商遂說襲其官娟指揮之妻甚至妻信之遂許為嗣 子有三女一嫁儀真民 揮共者與嚴商友善往來無問結為民弟指揮富而無 指揮女在儀真者訟之刑曹齊韶受賄竟右商人而詘 商既得官併欲奪其産沉指揮之妻於江既事漸彰聞 齊韶附之得南京刑部尚書倚托縱恣人莫敢言有指 御火國朝進士釋褐為御史自張始時中官王振用事 とうえんこう 明之海 一嫁鎮江一嫁武臣指揮改卒 +

金ケロドーグラー 妻有侍兒為商所你仍像故主有怨言商又殺之又 道張遂按之白中丞中丞怒曰汝書生不語時務躁妄 今日吾固當問之同官掩口笑南京京城事皆屬廣東 目之官何事不可問有事不敢問號稱御史不亦辱乎 年無敢問張初至官見婦人泣而呼冤益指揮女在鎮 官摇手輸之曰此非君所當問也張奮然曰朝廷設耳 江者也都御史過之若不聞張心疑其事問之同官同 奴欲訟究商又殺之都下無論貴賤皆痛憤然畏韶七 卷三百四十四

次定四車 全 皆張手筆部見之大驚曰彼書生何精練至此始有懼 色因求都御史勸止之都御史曰吾前叱之今日何面 反吾獄既而窮按不已事大暴著井中血衣尚在獄詞 印都御史固不肯印月餘都御史去御史曹姓者署印 如是汝登第幾日治官幾日處欲預事子部聞之大 史轉托之言併同官三四人連獄詞具疏呈都御史求 目與之言乃令同官言之張遂列齊韶見阻之意都御 日吾不識張春何狀豈喪心病狂乞死者耶不然何以

明文海

堂亦即至宜徐待之三日張疏果至下錦衣衛提問部 院都御史冠莊愍公見之曰此疏何得先上都察院本 史事史氏初與后妃之選英廟欲立為后既而疑其姓 泣下故齊部無所措解時張疏言韶放縱數事其 强使印之乃得聞上而齊韶之疏先在矣時北京都察 謂朱與史婚非雅遂賞表裏還之齊韶竟納為側室張 與張連逮至京錦衣衛金指揮者亦無子問其事悽然 又上書王振幾千餘言首論其事王振讀至此驚曰部 卷三百四十四 言

τ

殺死一 轉托俱為編氓惟張復官於是韶上疏申辨上怒勃再 人のうま ここう 言振罪上怒竟論棄市時張一疏殺一尚書杖殺刑官數 辨者斬船怨王根不右已以為是獄旨振所為也上疏 他 人不自保益中傷之也後英廟復辟忠國公石亨用事 歷御史俸年餘即遷山西按察使僉事時遇土木之難 人罷三四御火直聲雖震動天下而舉朝不能安之矣 事兵尚可為此事吾豈能左右乎由是商始伏辜以 一家三人論而齊成邊刑部原問官死於獄御史 明文海 t

府同知時宰相徐有貞亦謫鎮江與張同為石亨所攬 臣留之何益上命給事中一人刑部侍郎一人郎官二 金厂口 為備待命二年不授官遂棄去然公論惜之左遷鎮江 知之彪與張俱召還兩置之不問亨屢遣人刺張張不 掠無遺朝廷信之張上疏論彪誣妄舉朝吐舌亨怒曰 亨子彪以遊擊巡邊所在積聚皆沒入己謬奏北敵擄 人至所在勘驗給事中以憂死衆依違其辭以復上頗 物狂子吾將亦其族殺齊尚書非此耶此朝廷之佞 卷三百四 + 四

時即病旅邱恐久而遺忘力疾詳書之乃其世次不無 欠いするんにう 時張已疾甚未至任而卒張之孫可知與余言如此余 **亨敗凡當論亨者皆復官賞養增秩張遂擢順天府丞** 時商弘載入相矣張亦不往見竟得應天府治中俄而 徐見之曰吾心事君已盡言之矣遂以此聯一字為 牴牾以俟後之君子 時嘉靖丁未冬十月 詩以相怨嘆後以憂去官起復至京復待二年不得官 相得歡甚有詩云雙親路隅三千里五品官廢二十年 明文海 干

